



Broj: SuPK-00-579/23-I
Brčko, 31.03.2023. godine

Z A P I S N I K
sa 245. sjednice Pravosudne komisije Brčko distrikta BiH
održane 31.03.2023. godine, u 08,30 sati sa slijedećim

Dnevni redom

1. Usvajanje zapisnika sa 244. redovne sjednice Pravosudne komisije Brčko distrikta BiH
2. Izvještaj o radu Apelacionog suda Brčko distrikta BiH za 2022. godinu
(izvjestilac: **Damjan Kaurinović**)
3. Izvještaj o radu Tužilaštva Brčko distrikta BiH za 2022. godinu
(izvjestilac: **Zekerija Mujkanović**)
4. Izvještaj o radu Kancelarije za pravnu pomoć Brčko distrikta BiH za 2022. godinu
(izvjestilac: **Safet Pizović**)
5. Izvještaj o radu Pravosudne komisije Brčko distrikta BiH za 2022. godinu
(izvjestilac: **Safet Pizović**)
6. Razmatranje godišnjeg poslovnog izvještaja notara Jasminke Durmić-Mašić za 2022. godinu
(izvjestilac: **Dejan Đurović**)
7. Razmatranje godišnjeg poslovnog izvještaja notara Zorana Bogdanovića za 2022. godinu
(izvjestilac: **Dejan Đurović**)
8. Razmatranje godišnjeg poslovnog izvještaja notara Ljiljane Dragičević za 2022. godinu
(izvjestilac: **Dejan Đurović**)
9. Razmatranje godišnjeg poslovnog izvještaja notara Tanje Slišковић za 2022. godinu
(izvjestilac: **Dejan Đurović**)
10. Donošenje rješenja o početku rada notara Satke Redžepović
(izvjestilac: **Dejan Đurović**)
11. Plan za borbu protiv korupcije 2022-2024
(izvjestilac: **Dejan Đurović**)
12. Prijedlog izmjena Pravilnika o ocjenjivanju rada službenika i namještenika u pravosuđu Brčko distrikta BiH
(izvjestilac: **Dejan Đurović**)
13. Molba Radne grupe za produženje roka za izradu prijedloga Zakona o izmjenama i dopunama Krivičnog Zakona Brčko distrikta BiH
(izvjestilac: **Dejan Đurović**)
14. Davanje saglasnosti Komisiji za odabiranje arhivske građe i izlučivanje bezvrijednog registratorskog materijala u Apelacionom sudu Brčko distrikta BiH za rad izvan radnog vremena
(izvjestilac: **Dejan Đurović**)

15. Donošenje odluke o skraćenom radnom vremenu u pravosudnim institucijama za vrijeme nastupajućih značajnih vjerskih praznika i neradnih dana u Brčko distriktu BiH utvrđenih Odlukom Skupštine Brčko distrikta BiH, broj: 01-02-1112/23 od 15.03.2023.godine
(izvjestilac: Dejan Đurović)
16. Žalba M. S. izjavljena protiv rješenja pomoćnika sekretara-portparola Pravosudne komisije Brčko distrikta BiH broj: SuPK-04-357/23-I od 24.02.2023. godine
(izvjestilac: Dejan Đurović)
17. Žalba M. S. izjavljena protiv rješenja pomoćnika sekretara-portparola Pravosudne komisije Brčko distrikta BiH broj: SuPK-04-416/23-I od 10.03.2023. godine
(izvjestilac: Dejan Đurović)
18. Zahtjev Almira Bajrića, stečajnog upravnika za brisanje sa Liste stečajnih upravnika
(izvjestilac: Dejan Đurović)
19. Donošenje Odluke o organizaciji seminara na temu „Profesionalni i etički standardi, integritet i dolično ponašanje“
(izvjestilac: Dejan Đurović)
20. Donošenje Odluke o organizaciji seminara na temu „Pritvor u praksi Osnovnog suda Brčko distrikta BiH i pretpretresno ročište“
(izvjestilac: Dejan Đurović)
21. Donošenje odluke o imenovanje Komisije za zapošljavanje po raspisanom javnom konkursu, broj: SuPK-01-391/23-I od 28.02.2023. godine
(izvjestilac: Dejan Đurović)
22. Donošenje Odluke o izmjena Odluke o imenovanju Komisije za zapošljavanje po raspisanom javnom konkursu br.: SuPK-01-201/23-IV od 28.02.2023. godine
(izvjestilac: Dejan Đurović)
23. Donošenje odluke o raspisivanju javnog konkursa za upražnjena mjesta u pravosuđu Brčko distrikta BiH
(izvjestilac: Dejan Đurović)
24. Odluka o imenovanju Dajane Kalajdžić na radnom mjesto referent-operater-asistent u Osnovnom sudu Brčko distrikta BiH
(izvjestilac: Dejan Đurović)
25. Davanje prijedloga predsjedniku Osnovnog suda Brčko distrikta o izboru Ilije Jovanovića na radno mjesto Predsjednik Vijeća za izlaganje podataka o nekretninama i utvrđivanju prava na zemljištu u Odjeljenju za javni registar Vlade BD BiH, po raspisanom javnom konkursu SuPK-01-1214/22-I od 21.11.2022. godine
(izvjestilac: Dejan Đurović)
26. Donošenje Odluke o prestanku radnog odnosa Ivani Blekić, pripravniku u Osnovnom sudu Brčko distrikta BiH
(izvjestilac: Dejan Đurović)
27. Verifikacija Rješenja o prestanku radnog odnosa Dajani Grgić, volonteru u Osnovnom sudu Brčko distrikta BiH
(izvjestilac: Dejan Đurović)
28. Donošenje rješenja o prestanku radnog odnosa Hatidži Kadrić, stručnom saradniku u Osnovnom sudu Brčko distrikta BiH
(izvjestilac: Dejan Đurović)
29. Rang lista sa preporukom za izbor kandidata na radno mjesto pripravnik u Tužilaštvu Brčko distrikta BiH
(izvjestilac: Dejan Đurović)
30. Rang lista sa preporukom za izbog kandidata na radno mjesto vozač-kurir u Tužilaštvu Brčko distrikta BiH
(izvjestilac: Dejan Đurović)

31. Donošenje rješenja o imenovanju povjerenika I. O. koja će nadzirati rad za opšte dobro na slobodi osuđenog Lj. S. i rješenja o raspoređivanju osuđenog Lj. S. na radno mjesto – praoničar/vulkanizer u JP „Komunalno Brčko“ d.o.o. Brčko distrikt BiH
(izvjestilac: Dejan Đurović)
32. R a z n o

PRISUTNI SU:

1. SAFET PIZOVIĆ, predsjednik Komisije,
2. MIRSAĐ ĆEMAN, potpredsjednik Ustavnog suda BiH, putem telefonske veze,
3. DAMJAN KAURINOVIĆ, predsjednik Apelacionog suda BD BiH,
4. DRAGAN TOMAŠ, predsjednik Osnovnog suda BD BiH,
5. ZEKERIJA MUJKANOVIĆ, glavni tužilac Tužilaštva BD BiH,
6. ILINKA GAVRIĆ, pravobranilac u Pravobranilaštvu BD BiH,
7. VELIBOR JAKIĆ, član Komisije iz reda građana,
8. MEHMED BEČIĆ, član Komisije iz reda građana.

Sjednica počela u 08,43 sati.

Konstatuje se da sjednici prisustvuje osam članova, i da je opravdano odsutan Milivoje Vasić, član Komisije iz reda građana Brčko distrikta BiH, te da sjednici prisustvuje i sekretar Komisije Dejan Đurović.

Predsjednik Komisije otvara 245. redovnu sjednicu Pravosudne komisije sa predloženim dnevnim redom, s tim što predlaže da se isti dopuni na način da se iza dosadašnje tačke 5. dodaju nove tačke 6 i 7: „6. Izvještaj o radu Osnovnog suda Brčko distrikta BiH za 2022. godinu“, „7. Izvještaj o radu Pravobranilaštva Brčko distrikta BiH za 2022. godinu“, zatim poslije dosadašnje tačke 22. dodaje se tačka 23. koja glasi: „Donošenje odluke o raspisivanju javnog konkursa za pravobranioaca u Pravobranilaštvu Brčko distrikta BiH“, zatim da se iza dosadašnje tačke 28. da se doda tačka „29. Donošenje rješenja o prestanku radnog odnosa Dijani Azapagić, advokatu u Kancelariji za pravnu pomoć Brčko distrikta BiH“.

Slijedom predloženih dopuna, numeracija tačaka se pomjera, tako da tačka Razno postaje tačka broj 36.

Predloženi i dopunjeni dnevni red je usvojen jednoglasno, bez primjedbi.

Prelazi se na prvu tačku dnevnog reda.

1. Usvajanje zapisnika sa 244. redovne sjednice Pravosudne komisije Brčko distrikta BiH

Nakon razmatranja zapisnika, konstatuje se da je zapisnik sa 244. redovne sjednice Pravosudne komisije usvojeni jednoglasno, bez primjedbi.

2. Izvještaj o radu Apelacionog suda Brčko distrikta BiH za 2022. godinu

Predsjednik Apelacionog suda Brčko distrikta BiH, g. Damjan Kaurinović obrazložio je ukratko Izvještaj o radu Apelacionog suda Brčko distrikta BiH za 2022. godinu.

Nakon toga konstatuje se da je Komisija jednoglasno usvojila Izvještaj o radu Apelacionog suda Brčko distrikta BiH za 2022. godinu, bez primjedbi.

3. Izvještaj o radu Tužilaštva Brčko distrikta BiH za 2022. godinu

Glavni tužilac Tužilaštva Brčko distrikta BiH, g. Zekerija Mujkanović obrazložio je ukratko Izvještaj o radu Tužilaštva Brčko distrikta BiH za 2022. godinu.

Nakon provedene diskusije, konstatuje se da je Komisija jednoglasno usvojila Izvještaj o radu Tužilaštva Brčko distrikta BiH za 2022. godinu, bez primjedbi.

4. Izvještaj o radu Kancelarije za pravnu pomoć Brčko distrikta BiH za 2022. godinu

Direktor Kancelarije za pravnu pomoć Brčko distrikta BiH, koji je ujedno i predsjednik Pravosudne komisije Brčko distrikta BiH, g. Safet Pizović obrazložio je ukratko Izvještaj o radu Kancelarije za pravnu Brčko distrikta BiH za 2022. godinu.

Nakon toga konstatuje se da je Komisija jednoglasno usvojila Izvještaj o radu Kancelarije za pravnu pomoć Brčko distrikta BiH za 2022. godinu, bez primjedbi.

5. Izvještaj o radu Pravosudne komisije Brčko distrikta BiH za 2022. godinu

Predsjednik Pravosudne komisije Brčko distrikta BiH, g. Safet Pizović obrazložio je ukratko Prijedlog Izvještaja o radu Pravosudne komisije Brčko distrikta BiH za 2022. godinu.

Nakon toga konstatuje se da je Komisija jednoglasno usvojila Izvještaj o radu Pravosudne komisije Brčko distrikta BiH za 2022. godinu, bez primjedbi.

6. Izvještaj o radu Osnovnog suda Brčko distrikta BiH za 2022. godinu

Predsjednik Osnovnog suda Brčko distrikta BiH, g. Dragan Tomaš obrazložio je ukratko Izvještaj o radu Osnovnog suda Brčko distrikta BiH za 2022. godinu.

Nakon toga konstatuje se da je Komisija jednoglasno usvojila Izvještaj o radu Osnovnog suda Brčko distrikta BiH za 2022. godinu, bez primjedbi.

7. Izvještaj o radu Pravobranilaštva Brčko distrikta BiH za 2022. godinu

Pravobranilac Pravobranilaštva Brčko distrikta BiH, g-đa Ilinka Gavrić obrazložila je ukratko Izvještaj o radu Pravobranilaštva Brčko distrikta BiH za 2022. godinu.

Nakon toga konstatuje se da je Komisija jednoglasno usvojila Izvještaj o radu Pravobranilaštva Brčko distrikta BiH za 2022. godinu, bez primjedbi.

8. Razmatranje godišnjeg poslovnog izvještaja notara Jasminke Durmić-Mašić za 2022. godinu

Nakon obrazloženja konstatuje se da je Komisija primila k znanju godišnji poslovni izvještaj o radu notara Jasminke Durmić-Mašić u Brčko distriktu BiH za 2022. godinu.

9. Razmatranje godišnjeg poslovnog izvještaja notara Zorana Bogdanovića za 2022. godinu

Nakon obrazloženja konstatuje se da je Komisija primila k znanju godišnji poslovni izvještaj o radu notara Zorana Bogdanovića u Brčko distriktu BiH za 2022. godinu.

10. Razmatranje godišnjeg poslovnog izvještaja notara Ljiljane Dragičević za 2022. godinu

Nakon obrazloženja konstatuje se da je Komisija primila k znanju godišnji poslovni izvještaj o radu notara Ljiljane Dragičević u Brčko distriktu BiH za 2022. godinu.

11. Razmatranje godišnjeg poslovnog izvještaja notara Tanje Slišković za 2022. godinu

Nakon obrazloženja konstatuje se da je Komisija primila k znanju godišnji poslovni izvještaj o radu notara Tanje Slišković u Brčko distriktu BiH za 2022. godinu.

12. Donošenje rješenja o početku rada notara Satke Redžepović

Nakon obrazloženja, Komisija je jednoglasno donijela sljedeće

Rješenje

Određuje se da će Satka Redžepović, notar sa službenim sjedištem u Brčko distriktu BiH, sa svojim radom otpočeti dana 03.04.2023. godine.

13. Plan za borbu protiv korupcije 2022-2024

Nakon obrazloženja i provedene diskusije, Komisija je jednoglasno zaključila da se tačka „Plan za borbu protiv korupcije 2022-2024“ skine sa dnevnog reda današnje sjednice te zadužuje Stručnu službu Komisije da se Tabela, koja je sastavni dio navedenog Plana deskriptivno opiše u skladu sa istaknutim sugestijama na sjednici.

14. Prijedlog izmjena Pravilnika o ocjenjivanju rada službenika i namještenika u pravosuđu Brčko distrikta BiH

Nakon obrazloženja i provedne diskusije, Komisija je donijela zaključak da Stručna služba razradi drugi prijedlog rješenja u skladu sa sugestijama i zaključcima na sjednici i da se Prijedlog izmjena Pravilnika o ocjenjivanju rada službenika i namještenika u pravosuđu Brčko distrikta BiH razmatra na sljedećoj sjednici.

15. Molba Radne grupe za produženje roka za izradu prijedloga Zakona o izmjenama i dopunama Krivičnog Zakona Brčko distrikta BiH

Nakon obrazloženja i provedene diskusije, Komisija je jednoglasno donijela sljedeću

Odluku

o izmjeni Odluke Pravosudne komisije Brčko distrikta BiH, broj: SuPK-03-880/22-II od 21.11.2022. godine

U Odluci Pravosudne komisije Brčko distrikta BiH, broj: SuPK-03-880/22-II od 21.11.2022. godine u članu 4. datum: „21.03.2023. godine“ zamjenjuje sa datumom: „31.05.2023. godine.“
U istom članu riječi: „rok četiri mjeseca“ se brišu.

16. Davanje saglasnosti Komisiji za odabiranje arhivske građe i izlučivanje bezvrijednog registraturskog materijala u Apelacionom sudu Brčko distrikta BiH za rad izvan radnog vremena

Nakon obrazloženja, Komisija je jednoglasno donijela sljedeću

Odluku

Daje se saglasnost za rad izvan radnog vremena Komisiji za odabiranje arhivske građe i izlučivanje bezvrijednog registraturskog materijala u Apelacionom sudu Brčko distrikta BiH za 2023. godinu imenovanom Odlukom predsjednika Apelacionog suda Brčko distrikta BiH, broj: 097-0-Su-23-000110 od 24.02.2023. godine.

17. Donošenje odluke o skraćenom radnom vremenu u pravosudnim institucijama za vrijeme nastupajućih značajnih vjerskih praznika i neradnih dana u Brčko distriktu BiH utvrđenih Odlukom Skupštine Brčko distrikta BiH, broj: 01-02-1112/23 od 15.03.2023.godine

Nakon obrazloženja, Komisija je jednoglasno donijela sljedeću

Odluku o utvrđivanju skraćenog radnog vremena
u pravosudnim institucijama Brčko distrikta BiH povodom nastupajućih vjerskih praznika

Ovom Odlukom utvrđuje se skraćeno radno vrijeme u pravosudnim institucijama Brčko distrikta BiH u vrijeme nastupajućih značajnih vjerskih praznika za period april 2023 – januar 2024. godine i to:

- Uskrsa (katoličkog) – 07.04.2023. godine,
- Vaskrsa (pravoslavnog) – 14.04.2023. godine,
- Ramazanskog bajrama – 20.04.2023. godine,
- Kurban-bajrama – 27.06.2023. godine,
- Božića (katoličkog) – 22.12.2023. godine i
- Božića (pravoslavnog) – 05.01.2024. godine.

Navedene dane će se raditi od 07,30 sati do 13,30 sati.

18. Žalba M. S. izjavljena protiv rješenja pomoćnika sekretara-portparola Pravosudne komisije Brčko distrikta BiH broj: SuPK-04-357/23-I od 24.02.2023. godine

Nakon obrazloženja i provedene diskusije, Komisija je sa 7 glasova „ZA“ i 1 suzdržanim glasom donijela sljedeće

Rješenje

Žalba M. S. izjavljena protiv rješenja pomoćnika sekretara-portparola Pravosudne komisije Brčko distrikta BiH, broj: SuPK-04-357/23-I od 24.02.2023. godine, odbija se kao neosnovana.

19. Žalba M. S. izjavljena protiv rješenja pomoćnika sekretara-portparola Pravosudne komisije Brčko distrikta BiH broj: SuPK-04-416/23-I od 10.03.2023. godine

Konstatuje se da je član Komisije, Damjan Kaurinović u 10,36 sati izašao iz sale za održavanje sjednica.

Nakon obrazloženja i provedene diskusije, Komisija je sa 6 glasova „ZA“ i 1 suzdržanim glasom donijela sljedeće

Rješenje

Žalba M. S. izjavljena protiv rješenja pomoćnika sekretara-portparola Pravosudne komisije Brčko distrikta BiH, broj: SuPK-04-416/23-I od 10.03.2023. godine, odbija se kao neosnovana.

Konstatuje se da se član Komisije, Damjan Kaurinović u 10,40 sati vratio u salu za održavanje sjednica.

20. Zahtjev Almira Bajrića, stečajnog upravnika za brisanje sa Liste stečajnih upravnika

Konstatuje se da je član Komisije, Dragan Tomaš u 10,42 sati izašao iz sale za održavanje sjednica.

Nakon obrazloženja i provedene diskusije, Komisija je sa 7 glasova, donijela zaključak da se podnosilac zahtjeva, Almir Bajrić, stečajni upravnik obavjesti o odlaganju njegovog brisanja sa Liste stečajnih upravnika do donošenja odluke Osnovnog suda Brčko distrikta BiH o njegovom razriješenju jer je isti imenovan u stečajnom postupku koji je u toku.

21. Donošenje Odluke o organizaciji seminara na temu „Profesionalni i etički standardi, integritet i dolično ponašanje“

Nakon obrazloženja, Komisija je jednoglasno donijela sljedeću

Odluku

O organizaciji seminara na temu: „Profesionalni i etički standardi, integritet i dolično ponašanje“, za službenike i namještenike u pravosuđu Brčko distrikta BiH, koji će se održati 11. aprila 2023. godine u sali za edukaciju Pravosudne komisije Brčko distrikta BiH.

Za edukatora na seminaru imenuje se g. Mersudin Pružan, tužilac Tužilaštva BiH.

Eduktor ima obavezu da učestvuje u pripremi, kreiranju i sastavljanju dnevnog reda seminara najkasnije 15 dana prije održavanja seminara, da organizuje praktični dio obuke, da pripremi i dostavi određenu temu u formi elektronskog materijala pripremljenog za korištenje u procesu edukacije najkasnije 15 dana prije održavanja seminara, da podnese izvještaj o evaluaciji seminara sa zaključcima seminara u roku od 8 dana od dana završetka seminara i da podnese obračun troškova edukacije uz prilaganje originalnih dokaza i dokumenata u roku od 8 dana od dana završetka seminara.

Pravosudna komisija će obezbjediti tehničku podršku i uslove za održavanje seminara, kao i učešće službenika Pravosudne komisije koji će pomoći edukatoru u vršenju njegove dužnosti i sačinjavanju izvještaja i koji će obavljati ostale poslove koji su od značaja za uspješnu realizaciju seminara.

Pravosudna komisija Brčko distrikta BiH će snositi troškove organizacije seminara, troškove naknade imenovanom edukatoru i troškove prevoza, o čemu će se donijeti posebna odluka.

Konstatuje se da se član Komisije, Dragan Tomaš u 10,46 sati vratio u salu za održavanje sjednica.

22. Donošenje Odluke o organizaciji seminara na temu „Pritvor u praksi Osnovnog suda Brčko distrikta BiH i pretpresno ročište“

Nakon obrazloženja, Komisija je jednoglasno donijela sljedeću

Odluku

Pravosudna komisija Brčko distrikta BiH, u saradnji sa Centrom za edukaciju sudija i tužilaca Federacije BiH i Centrom za edukaciju sudija i tužilaca Republike Srpske, uzima učešće u organizaciji seminara na temu „Pritvor u praksi Osnovnog suda Brčko distrikta BiH i pretpresno ročište“, koji će biti održan 25.04.2023. godine u sali za edukaciju Pravosudne komisije Brčko distrikta BiH.

Za edukatora se imenuju Nebojša Savić i Velibor Milićević, sudije Osnovnog suda Brčko distrikta BiH.

Eduktori imaju obavezu da učestvuje u pripremi, kreiranju i sastavljanju dnevnog reda seminara najkasnije 15 dana prije održavanja seminara, da organizuju praktični dio obuke, da pripreme i dostave određenu temu u formi elektronskog materijala pripremljenog za korištenje u procesu edukacije najkasnije 15 dana prije održavanja seminara, da podnesu izvještaj o evaluaciji seminara sa zaključcima seminara u roku od 8 dana od dana završetka seminara i da podnesu obračun troškova edukacije uz prilaganje originalnih dokaza i dokumenata u roku od 8 dana od dana završetka seminara.

Pravosudna komisija će obezbjediti tehničku podršku i uslove za održavanje seminara, kao i učešće službenika Pravosudne komisije koji će edukatorima pomoći u vršenju njihovih dužnosti i koji će obavljati ostale poslove koji su od značaja za uspješnu realizaciju seminara.

Pravosudna komisija Brčko distrikta BiH će snositi troškove naknade za rad edukatora i eventualnog smještaja, o čemu će se donijeti posebna odluka, kao i troškove osvježenja i troškove ručka za učesnike seminara.

23. Donošenje odluke o imenovanje Komisije za zapošljavanje po raspisanom javnom konkursu, broj: SuPK-01-391/23-I od 28.02.2023. godine

Nakon obrazloženja i provedene diskusije, Komisija je jednoglasno donijela sljedeću

Odluku o imenovanju

Komisije za zapošljavanje po javnom konkursu broj: SuPK-01-391/23-I od 28.02.2023. godine

Imenuje se Komisija za zapošljavanje sudijskog pripravnika u Osnovnom sudu Brčko distrikta BiH (na određeno vrijeme – do sticanja uslova za polaganje pravosudnog ispita, a najduže dvije godine), u sastavu:

1. Nebojša Savić, predsjednik,
2. Mirela Azapović, član i
3. Smajila Kikić, član.

24. Donošenje Odluke o izmjena Odluke o imenovanju Komisije za zapošljavanje po raspisanom javnom konkursu br.: SuPK-01-201/23-IV od 28.02.2023. godine

Nakon obrazloženja i provedene diskusije, Komisija je jednoglasno donijela sljedeću

Odluku o izmjeni Odluke

Pravosudne komisije Brčko distrikta BiH o imenovanju Komisija za zapošljavanje, broj: SuPK-01-201/23-III od 28.02.2023. godine

U Odluci o imenovanju Komisija za zapošljavanje, broj: SuPK-01-201/23-III od 28.02.2023. godine, tačka II mijenja se i glasi:

„ II Imenuje se Komisija za zapošljavanje Predsjednika Vijeća za izlaganje podataka o nekretninama i utvrđivanju prava na zemljištu u Odjeljenju za javni registar Vlade Brčko distrikta BiH (na neodređeno vrijeme), u sastavu tri člana:

1. Marina Blažević, predsjednik,
2. Zoran Rakanović, član,
3. Smajila Kikić, član.“

U ostalom dijelu Odluka broj: SuPK-01-201/23-III od 28.02.2023. godine, ostaje neizmjenjena.

25. Donošenje odluka o raspisivanju javnog konkursa za pravobranioca

Nakon obrazloženja i provedene diskusije, Komisija je jednoglasno donijela sljedeću

Odluku
za raspisivanje javnog konkursa za popunjavanje upražnjenih radnih mjesta u
Pravobranilaštvu Brčko distrikta BiH

1. Pravobranilac Pravobranilaštva Brčko distrikta BiH,
(na određeno vrijeme-mandat od četiri godine) 1 (jedan) izvršilac.

Rok za podnošenje prijave na konkurs ističe protekom 30 dana od dana objavljivanja konkursa u Službenom listu BiH i Službenom glasniku Brčko distrikta BiH, a o čemu će zainteresovana lica biti obavještena putem web stranice Pravosudne komisije Brčko distrikta BiH.

26. Donošenje odluke o raspisivanju javnog konkursa za upražnjena mjesta u pravosuđu Brčko distrikta BiH

Nakon obrazloženja i provedene diskusije, Komisija je jednoglasno donijela sljedeću

Odluku
za raspisivanje javnog konkursa za popunjavanje upražnjenih radnih mjesta u pravosuđu
Brčko distrikta BiH

1. Stručni saradnik u Osnovnom sudu Brčko distrikta BiH,
(na neodređeno vrijeme) 1 (jedan) izvršilac,
2. Stručni saradnik u Osnovnom sudu Brčko distrikta BiH,
(na određeno vrijeme, radi zamjene odsutnog službenika) 1 (jedan) izvršilac,
3. Sudski policajac u Sudskoj policiji Brčko distrikta BiH,
(na neodređeno vrijeme) 1 (jedan) izvršilac.

Prijave na konkurs podnose se od 05.04.2023. godine do 19.04.2023. godine.

27. Odluka o imenovanju Dajane Kalajdžić na radno mjesto referent-operater-asistent u Osnovnom sudu Brčko distrikta BiH

Nakon obrazloženja i provedene diskusije, Komisija je jednoglasno donijela sljedeću

Odluku

Na radno mjesto „referent-operater-asistent“ u Osnovnom sudu Brčko distrikta BiH, imenuje se Dijana Kalajdžić, kći Spasoja, iz Brčkog.

Imenovana je dužna stupiti na rad dana 05.04.2023. godine, a stupanjem na rad zasniva radni odnos na neodređeno vrijeme u Osnovnom sudu Brčko distrikta BiH.

Imenovana se svrstava u V (peti) platni razred, 5 (peti) podrazred, koeficijent 1,543321.

28. Davanje prijedloga predsjedniku Osnovnog suda Brčko distrikta o izboru Ilije Jovanovića na radno mjesto Predsjednik Vijeća za izlaganje podataka o nekretninama i utvrđivanju prava na zemljištu u Odjeljenju za javni registar Vlade BD BiH, po raspisanom javnom konkursu SuPK-01-1214/22-I od 21.11.2022. godine

Nakon obrazloženja, Komisija jednoglasno daje prijedlog predsjedniku Osnovnog suda Brčko distrikta BiH, i predlaže kandidata Iliju Jovanovića, iz Brčkog, diplomiranog pravnika sa položenim pravosudnim ispitom, za predsjednika Vijeća za izlaganje podataka o nekretninama i utvrđivanju prava na zemljištu u Odjeljenju za javni registar Vlade BD BiH, po raspisanom javnom konkursu SuPK-01-1214/22-I od 21.11.2022. godine.

29. Donošenje Odluke o prestanku radnog odnosa Ivani Blekić, pripravniku u Osnovnom sudu Brčko distrikta BiH

Nakon obrazloženja, Komisija je jednoglasno donijela sljedeće

Rješenje

Ivani Blekić, pripravniku u Osnovnom sudu Brčko distrikta BiH, prestaje radni odnos zasnovan na određeno vrijeme radi obavljanja pripravničkog staža, radi isteka roka. Radni odnos prestaje zaključno sa danom 06.04.2023. godine.

30. Verifikacija Rješenja o prestanku radnog odnosa Dajani Grgić, volonteru u Osnovnom sudu Brčko distrikta BiH

Nakon obrazloženja, Komisija je jednoglasno verifikovala Rješenje predsjednika Pravosudne komisije Brčko distrikta BiH, broj: SuPK-01-473/23-I od 13.03.2023. godine.

31. Donošenje rješenja o prestanku radnog odnosa Hatidži Kadrić, stručnom saradniku u Osnovnom sudu Brčko distrikta BiH

Nakon obrazloženja, Komisija je jednoglasno donijela sljedeće

Rješenje

Hatidži Kadrić, stručnom saradniku u Osnovnom sudu Brčko distrikta BiH, prestaje radni odnos po sili zakona zaključno sa 02.04.2023. godine, zbog imenovanja na drugu dužnost.

32. Donošenje rješenja o prestanku radnog odnosa Dijani Azapagić, advokatu u Kancelariji za pravnu pomoć Brčko distrikta BiH

Nakon obrazloženja, Komisija je jednoglasno donijela sljedeće

Rješenje

Dijani Azapagić, advokatu u Kancelariji za pravnu pomoć Brčko distrikta BiH, prestaje radni odnos po sili zakona zaključno sa 09.04.2023. godine, zbog imenovanja na drugu dužnost.

33. Rang lista sa preporukom za izbor kandidata na radno mjesto pripravnik u Tužilaštvu Brčko distrikta BiH

Nakon obrazloženja i provedene diskusije, konstatuje se da je Komisija je jednoglasno u skladu sa odbredbom člana 38. stav (3) Zakona o službenicima i namještenicima Brčko distrikta BiH potvrdila izbor Jasne Stefanović, nakon provedene procedure za izbor pripravnika u Tužilaštvu Brčko distrikta BiH.

34. Rang lista sa preporukom za izbrog kandidata na radno mjesto vozač-kurir u Tužilaštvu Brčko distrikta BiH

Nakon obrazloženja i provedene diskusije, konstatuje se da je Komisija sa 7 glasova „ZA“ i jednim suzdržanim glasom, u skladu sa odbredbom člana 38. stav (3) Zakona o službenicima i namještenicima Brčko distrikta BiH potvrdila izbor Gorana Pešića, nakon provedene procedure za izbor „vozač-kurir“ u Tužilaštvu Brčko distrikta BiH.

35. Donošenje rješenja o imenovanju povjerenika I. O. koja će nadzirati rad za opšte dobro na slobodi osuđenog Lj. S. i rješenja o raspoređivanju osuđenog Lj. S. na radno mjesto – praoničar/vulkanizer u JP „Komunalno Brčko“ d.o.o. Brčko distrikt BiH

Nakon obrazloženja, Komisija je jednoglasno donijela sljedeće

Rješenje

I. O. imenuje se za povjerenika osuđenom Lj. S. i nadzirat će rad za opšte dobro na slobodi imenovanog u Javnom preduzeću „Komunalno Brčko“ d.o.o. Brčko distrikt BiH.

Povjerenik se imenuje na vremenski period od 7 (sedam) radnih dana izvršavanja rada za opšte dobro na slobodi osuđenog lica.

Povjereniku za nadzor nad osuđenim licem pripada dnevna naknada za rad u iznosu od 2% od prosječne neto plate zaposlenih u institucijama Bosne i Hercegovine za 2022. godinu.

I nakon toga Komisija donosi sljedeće,

Rješenje

Raspoređuje se osuđeno lice Lj. S. na radno mjesto „praoničar/vulkanizer“ u Javnom preduzeću „Komunalno Brčko“ d.o.o. Brčko distrikt BiH.

Osuđeno lice će rad za opšte dobro na slobodi u trajanju od 7 (sedam) radnih dana obavljati u periodu od 24.04.2023. godine do 04.05.2023. godine.

36. R a z n o

Kako se više niko nije javio za riječ, 245. redovna sjednica završena je u 11,05 sati.

Zapisnik vodila
Nataša Kovač

Predsjednik
Pravosudne komisije

Safet Pizović

